

آبونه شرائطی

داخلی ، خارجی هریر ایچون
سنه لکی (۲۵۰) ، آلتی آیانی
(۱۳۰) غروشدور.

[نسخه می غروش
سنه لکی ۲۰ نسخه در .]

اداره خانه

باب عالی جاده سنه دائره مخصوصه

اخطارات

آبونه بدلی پشیندر

مسلكه موافق آثار مع الممنونیه
قبول اولنور . درج ایدله یین
یاؤیلر اعاده اولونماز .

تذکره

دینی ، فلسفی ، علمی ، ادبی هفته لقی مجموعه اسلامیه در

والله یهدی من یشاء الی صراط مستقیم

باش محرر
محمد عا کف

صاحب و مدیر مسئول
اشرف ادیب

اتبهون اهد کم سنیل الرشاد

عدد : ۳۷۲

۲۶ ذی الحجه ۱۳۳۶

پنجشنبه

۳ تشرین اول ۱۳۳۴

جلد ۱۵

جهاد و عالم اسلام

حرب عمومیه ترکستان و بخارا د افغانستان ، هندستان و حجاز طریقہ استانبولہ سیاحت .

— ۳ —

— آفریدی ؟ مومان ؟ تیرا قبائلی ایله افغانستان آره سنده بر علاقه و ارتباط موجود میدر ؟ نه کی مناسبت بونلری یکدیگرینه ربط ایدیور ؟

— اساساً آفریدی ؟ مومان ، تیرا قبیلہ لری افغانستان ایله هندستان آراسنده بولونورلر . اها ایسی ده عمومیتله مسلماندر . نیم کوچه ونیم مدنی طرزده خیات کچیردکاری جهته ؛ نه افغانستانه ونه ده هندستانه مربوطدرلر . عادتاً سربست و خصوصی بر خیات سیاسییه مالک بولونورلر . قبائل رؤسای تضمینات قیلندن هر سته انکلیزلردن معین بر تخصیصات الدقلری کی افغانستان امیری طرفندنده معاش طرزنده تخصیص اولغش ماهیه اکرامیه لری واردر . قبائل آراسنده امور اداره و قضا تمامیه کنیدیلرینه عاندر . احکام شرعیه موافق صورتده مخلی مشایخ طرفندن اداره اولنور . تام معناسیله مستقل بر اداره محلیه در .

مواقع جغرافیای جلال آباد ایله پشاور آراسنده کائن جبال شاهقده دن ، مرور و عبوری غایت محدود کچیدردن عبارتدر ، عادتاً ایکی مملکت آراسنده برسد یا جوج و مأجوج دینلسه جائزدر . عشائرک معلوماتی اولمقسرین بر تک نفرک بیله بر طرفدن دیگر طرفه کچه بیلیمک احتمالی یوقدر .

عشائر مذکورده نک انکلیزلره اولان عداوتلری اساساً دینی اولمقله برابر ، صوک زمانلرده انکلتزه حکومتی طرفندن هندستانده روا کورولن مظالم و تجاوزاته قارشى هندلیلرک فریادلری تأثیریه اوله جق ، غایت بارز صورتده سیاسی بر طرز خصومت شکنی ده احراز ایتمشدر . هله انکلیزلرک مقام خلافت قارشى اعلان حرب ایدرک ارض عراقه تجاوزلرینی ایشیدیر ایشیتمز بوتون بوقیللر اجتماع ایتدیلر ، اوز آرارنده من القدیوم موجود اولان منافرتی ازاله ایتدیلر کنیدی بیلرنده غایت صیتی و صمیمی براخوت و سلاح آرقدا شلفنه عهد ایلدیلر . بو صورتله آچیقندن آجیغه بر اتحاد سیاسی میدانه کتوردیلر بو اتحاد نتیجه سی درکه ۱۹۱۵ سنه سی انکلیزلره قارشى جدی بر وضعیت آله رق ، مقدما سویله دیکم کی پشاور اوزرینه تجاوزی بر نمایش عسکری ده یابدیلر . بو تجاوزلرنده بیوک موفقیتلر احراز ایتدکاری حالده صلحه موافقت ایتلری توسط ایدن علمانک ، شریعت استناد ایدرک جهادک مقام خلافتدن هنوز تبلیغ اولنمدیغی سبب اوله رق ایلری سورملریله

اولدی . شو نقطه نظر اعتباره آله رق ملاحظه اولنورسه ، برنجی فرصته عینی وضعیتک تکرر ایده جکنه شبه اولنه من .

شوراده بو مسئلهیه مناسب اوافق ابر وقعیه عرض ایتک ایسترم : انکلیزلر ایله صالح عقدی متعاقب آفریدیلر میاننده بر دوکون جمعیته دعوت اولنمشدم . بو کی جمعیتلرده ولیمه اصحابی ثروتی نسبتنده اطرافدن اوچ بش کونلک یولدن انسانلری دعوت ایدرلر ؛ بیکارجه آدم طویلانیر ، بیوک شنلکر ، یاریشلر ، کورشلر اولورمش . بو دفعه ایسه بیوک بر جمع غفیر طرفندن قربانلر کسیدی ، قرآنار ، ختملر تلاوت اولدی . بوندن صوکره خلیفه طرفندن جهاد مزده سنی کتوره جک آدمه اکرامیه لری اولمق اوزره برده بو حجه شهر ایتدیلر . بو بو حجه ده برقات البسه ایله کوموش صابلی بر قلیچ بولنیوردی . اوراده او آنده کوردیکم احوال روحیه بکا اولیه بر تأثیر ایتشدی که ، او مجلسده بولنان ارکک قادین صوک فردینه قدر هپسی همان قاقوب دوغرو محاربهیه کیتمکه مهیا ایدیلر .

بن بو حاللری کوردکجه عادتاً حجاز سفرندن واز کچوب بولره التحاق ایده جکم کلیوردی .

— آفریدیلره مجاور بر کافرستان واردی ، اوراده غایت جنکاور ، غایت معروف قبائلدن کافرلر واردی ؛ بولر نه اولدیلر ؟ بو کافرلره عانده معلوماتکنز وارمی ؟

— او معروف کافرستان شیمدی افغانستان جغرافیا خریطه سی داخلنده نورستان اولدی . کافرلرک بر چوق محاربه لری مشهوردر . بالاخره مرحوم عبدالرحمن خان بولرایله محاربه ایده رک بتون کافرستانی کنیدی مملکتنه الحاق واهالیسی اهتدا ایتدکن صوکره عموم کافرلری افغانستان داخلنده مختلف ولایتلره سوق واسکان ایتدی . افغانستان داخلنده من القدیوم مسلمان اولان عنصرلری سوق ایده رک کافرستانه اسکان ایتدی . اهل اسلامک اورایه یرلشمه لری متعاقب ، او مواقعه نورستان نامی ویریدی . شیمدی افغانستان مکتبلرنده بوبرلر نورستان تاریخی ، نورستان جغرافیای ناملریله تدریس ایدیلکده در . کافرستان شیمدی تمامیه بر مسلمان مملکتی اولمشدر . اها ایسی کاملاً مسلماندر .

عبدالرشید